


貴州全省諸苗圖說



貴州全省諸苗圖說

裸羅本盧鹿而訛爲今稱在大定府屬有黑白二

種黑者爲大其人皆深目長身黑面鉤鼻雞髻而苗髻其俗尚鬼故又名羅鬼蜀漢時有濟火者從武侯破孟獲有功封羅甸國王即安氏遠祖世長其土分四十八部部之長曰頭目其等有九最貴者曰更直不名不拜賜鏤銀鳩杖凡大事悉取決焉次則慕魁勾魁以至黑乍皆有職守文字類蒙古男以青布籠髮而束於額若

角狀短衣大袖紫藍裙其長死集所屬披甲馳馬以錦緞毡衣裹尸焚於野招魂而塋性最戀主即酷虐之不敢忤善造堅甲利刃鏢鎗勁弩畜良馬好射獵習擊刺故其兵爲諸蠻魁諺云水西羅鬼擊頭掉尾言相應之速也

二 女官即裸羅正妻稱之曰耐德編髮爲髻用青帛蒙之多戴銀絲花貼額耳垂大環長裙三十六幅非耐德所生不得繼立如嗣子幼不能主事耐德爲女官代理土務



三

白裸羅亦在大定及安順有之與黑裸羅同而爲
下姓茹毛飲血無論鼠雀蝼蛄蠕動之物攫而
燔之飲食無盤盂以三足釜攢食如燕人死以
牛馬皮革裹而焚焉居普定名阿和亦同此類
宋家在貴陽安順二府中國之裔春秋時放流而
入於夷也其語言文字悉與同男子帽而長襟
婦人笄而短襟婚姻男家遣人往迎女家率親
戚笙楚姆訓綦嚴故旦即進盥於姑供婦職喪
塋飯蔬飲水三七封而識之男耕女織近多讀

書津者

五蔡家在貴筑修文清鎮威寧平遠等州縣男子衣
氊衣女則製氊爲髻緣飾青布高尺許若牛角
狀以長簪綰之翁媳不通言居喪三月不食稻
肉惟飲稗粥猶存古礼夫死以婦殉塋外家捨
去乃免

六卡寵仲家在貴陽安順南籠平越都勻諸府衣尚
青婦女以花帕蒙首衣短而下團度身而裁之
雖嚴寒盛暑無增減裙長而細摺勾雲合角中

以顏色相間六月六日爲大節每歲孟春聚未婚男女而跳月歌舞曠野以綵巾結小圓毬如瓜謂之花毬意洽情鍾彼此拋毬互擲遂私焉或於婚喪會合時兩情歡悅即剪衣換帶約而私之須抱後方歸夫家近俗亦少變在開州者婚姻多用媒妁聘禮以姿色定牛之多寡親死旧俗分食親肉今變用牛謂之替例貧者牛一頭富者牛數頭親戚族友携鷄來祭以白布蒙首繞牛哭而奠之祭畢屠牛分肉群飲食醉飽而散

七補籠仲家貴陽之定番廣順二州及南籠安順二府皆有之以十二月朔爲大節歲時擊銅鼓爲歡若掘地得銅鼓即云武侯南征時所遺富者重價爭購喪則屠牛以牛角灌酒孝子不食肉惟啖魚蝦故祭亦必用魚塋則以傘蓋墓上期年而後焚之性多慄悍出入帶利刃雖睚眦之仇必報近經禁誡漸循禮法

八青仲家在古州青江丹江等處以青布蒙頭服色

俱尚青女子色白而敏工刺繡善棋局以擲毬爲樂所私曰馬郎夜則與之飲父母知而不禁惟避其兄長婚姻自苟合始歡者則以牛酒致聘不知正朔文字以木刻爲信

九 曾竹龍家在安順府境婦女則衣白衣而穿桶裙頭戴細布方巾以髮紮一尾長尺許垂於後名曰髮尾每用猪油抹髮其氣難聞遇親戚喜慶負酒牽羊以贈携帶新衣數套以誇富人死則殮而焚之塋其枯骨七月七日祭其先塋

十 狗耳龍家在安順大定等府及廣順州之康佐司男子蒙頭而不冠婦女辮髮螺髻束以布而結於頂以布結之餘獲指若狗耳狀衣班衣以五色藥珠爲飾立春後豎木於野謂之鬼竿男女未婚者跳躍而擇配奔則女家以牛馬贖之通媒妁

十一 馬鑿龍家在鎮寧之谷西堡頂營司之間多劉趙張等姓衣尚白喪則移之以青婦人緇布作冠若馬鑿狀以耕種爲業

十二大頭龍家鎮寧普定有之男子戴竹笠婦人穿土色衣青短裙布歐馬繫雜髮盤髻如蓋故名大頭龍家男女勤耕力作性

十三花苗在大定安順遵義貴陽所屬皆無姓氏其姓性慙而畏法其俗陋而力勤衣用敗布緝條以織成青白相間無領袖洞其中從頭籠下或以半幅中分而交纏於頂每歲孟春擇平壤之地爲月塲未婚男子吹笛笙女子振響鈴歌舞戲謔以終日暮則挈所私以歸近亦多用媒妁聘資

視女之妍媸爲盈縮亦必男至女家成婚越宿同歸喪葬則親族携酒肉以賻環哭尽哀三七則携鴉一隻飯一土盃酒一瓦甌往祭延巫持咒謂之放七祭畢磔鴉碎器謂之鬼散葬不用棺殮手足而瘞之卜地以鴉子擲之不破者爲吉病不服藥惟宰牲盛饌禱於鬼雖至破家不悔苗俗大率類此

十四紅苗在銅仁府多龍吳石麻白等姓衣服悉用班絲女工以此爲務若同類相聞必婦人勸方解

五月寅日夫婦各宿不敢言不出戶以避鬼神
忌白虎也凡牲畜皆脔殺以火去毛微熟帶血
食之人死將所遺衣服裝像皆擊鼓名弔曰古
十五白苗在龍里貴定黔西地方服色尚白男子科頭
洗足婦女盤髻長簪祀祖則擇大牯牛頭角端
正者飼之肥壯乃合各寨之牛於野開之勝則
爲吉即卜期屠之以祭主祭者服細衣青套細
摺長裙祭畢合親族高歌以爲歡

十六青苗在黔西鎮寧及修文貴筑境內衣尚青婦人

以青布籠髻上裝九華巾男子竹笠草履性情
獷悍今亦馴良在平遠者又名箐苗

十七黑苗在都勻之八寨丹江鎮遠之清江黎平之古
州最多族類甚衆習俗各異衣服皆尚黑男女
俱跣足陟崗峦躡荆棘捷如猿猱性悍好閉頭
插白翎出入必携帶鏢鎗藥弩環刀自雍正十
三年勦撫後兇性稍斂寒無重衣夜無卧具食
惟糯稻舂甚白炊熟必成團冷食佐食惟野蔬
寒泉無匙筯皆以手掬之每至孟春各帶笙擇

地爲塲不拘老幼以竹爲笙長丈餘能吹者爲歌師尾笙最短居次者吹之以跳舞爲歡赤足頓地以爲節其聲似鼓至元宵屠牛祭鬼以賽豐年女子所私謂之阿姝死則生前所私者各挿竹於坟前繫以色線二

十八東苗在貴筑修文龍里清平清鎮廣順有族無姓婦人衣花衣無袖惟兩幅遮前覆後細摺短裙男子蓄頂髮短衣花背屆中秋合寨延鬼師以祭祖及族叔之亡故者屠牛陳饌循序而呼鬼

之名祭畢召集各親屬劇飲竟晝夜乃已每春獵於山獲禽亦必薦祖循礼守法畏見官長急公服役於良民

十九西苗有馬謝何羅雷等姓在貴陽平越二府屬娶婦則異寢必旁通孕育後乃同室每歲十月收穫即合衆牛於野延善歌祝披大寬毡衣腰間週圍細摺戴毡帽穿皮靴導於前男女百十輩青衣綵帶吹笙舞蹈隨之歷三晝夜乃殺牛以賽豐年名曰祭白虎性情質實最畏法爭訟

二十天苗在平越府一名天家多姬姓性情柔順不喜
閑勤儉安貧不爲盜近多讀書應試者婦人工
織善染以仲冬朔爲大節其在陳蒙爛土天堪
者緝木葉爲衣着短裙女子年及笄即攝竹樓
野處未婚男子吹笙以誘之人死不塋以籐蔓
束之樹間

二十一儂苗在永豐州之羅斛冊亨等處原隸粵西雍正
五年改轄黔省勤耕力作雜髮穿衣俱效漢人
惟婦人短衣長裙蒙首尚循苗俗

二十二打牙佬在黔省清平平越等州縣女子將嫁必
先折去門牙二齒恐妨害夫家郎所謂鑿齒之
民也其分前髮披後取齊眉之意又名佬獠種
有五各分黨類不通婚姻而蓬頭赤足輕生死
其黨概織毛布一幅橫圍腰間旁無襷績謂之
桶裙男女同製五種皆如之

二十三剪頭佬在貴定施秉及平遠州又名剪毛佬
男女皆蓄髮寸許勤耕力作死則積薪焚之
二十四猪屎佬石阡黎平古州平遠清平皆有之身面

經年不滌所處穢而不潔與犬豕牢同得獸郎
咋食如狼男子出入則佩刀弩有仇必報若獨
力無能則脩牛酒以款有力者即片肉卮酒亦
甘捐軀輕命或致死以牛償之在清平者通漢
語聽約束

二十五紅狔狔在廣順平遠清平境內親死殮以棺而不
塋置厓穴間或臨大河不施蔽蓋旁樹木主曰
家親殿

二十六花狔狔又名狔兜在鎮遠之施秉石阡之龍泉平
越之黃平州男子懶耕而好獵每以逐鹿羅雀
爲事婦女衣則繡五綵於袖間週身飾以蚕繭
纍：如貫珠乃古狔狔之五

二十七水狔狔在施秉餘慶之間善捕魚隆冬能入深淵
故名水狔狔男子衣服與漢人無異婦人雖不
穿桶裙然細褶長裙亦苗俗也守法畏官婚姻
喪祭俱如漢礼今則於五種狔狔之外另添數
種名色乃照通志彙入

二十八鍋圍狔狔在平遠州男子以所織斜文布爲衣婦

人以青帕籠髮如錫團狀青衣短裙病不服藥
用虎頭一具飾以紅線線置簸箕內延鬼師禱
之性嗜酒而惰農業……

▷二十九披袍犵亦在平遠州男女所穿裹衣長尺餘外
披一袍前短後長鑿竅為領桶裙亦以各色羊
毛織成性淳謹勤耕作

▷三十休犵有王黎金文等姓散處各州縣冬則掘地為
爐簇火環臥以牛衣藉之不施被蓆祀鬼用草
龍揀五色旗徃郊外祭之遇節歌舞為歡在都

勻清平者衣服與漢人同親死有喪服而無哀
經長子居喪七七不沐浴不踰戶苟長子貧不
能守以長孫或次子代之尊敬師長教訓綦嚴
故子弟之多入泮者

▷三十一犵在荔波縣善耕作女工織紡短裙可遮膝親
死歌唱無棺槨鑲木板以殮之塋而哭泣其子
女守墳三日而後返

▷三十二犵人在普安州各營司男女皆披毡衣垢不沐浴
性淳而佞佛凡猓羅仲家犵犵言語不相諳者

常以楚人通之

十三土人各處有之在貴陽廣順者與軍民通婚姻男多貿易女勤耕作種植時田歌相和清越可聽歲首扮儺擊鼓以唱神歌所至之家皆飲食之在邛水者最好聞今則悍俗還淳

十四蠻人在新添丹行三司男子披草蓑婦人着青衣花布短裙喪葬宰牛歌舞性獷悍好漁獵以十月晦爲節祭鬼在今思南州之沿河司有冉家蠻俗類相同

十五苗人皆在下游而洪州尤衆猜忌夫婦出入必偶飲食醃醬冬則採茅花以禦寒

十六徭人黔省原無雍正年間自粵西遷來貴定清平獨山等處皆居無定址喜傍溪澗以樹皮接續覓水至家免於出汲耕作之餘入山採藥沿寨行醫所祀之神曰槃瓠所藏之書名旁礴所傳圖印篆文義不可解珍而秘之風俗謹厚見遺不拾

十七楊保在遵義龍泉二縣之間婚用媒妁塋祭亦有

挽思哀悼之礼但性狡而獷凡官司差役拘訊抗拒不出聽鄉老決之

三十八 獷在都勻黎平石阡等府及施秉龍泉餘慶龍里等縣陽龍張石歐等姓男子計口而耕女子度身而織暇則挾戈操笥以漁獵爲事婚喪率犬以贖所居荆壁不塗門戶不扃出入則以泥封之

三十九 九股苗在興隆衛凱里司乃黑苗同類也此種因武侯南征戮之殆盡僅存九人遂爲九股苗散

處蔓延地廣而族繁性最慄悍頭戴鉄盔前有護面後無遮肩身披鉄甲及臍而止下用鉄鍊圍身鉄片纏腿建者尚能左手執木牌右手持剗捍口啣利刃行走如飛攜帶強弩名曰偏架三人共張矢無不貫雍正十年勦撫兼施搜繳甲兵建城安汎焉

四十 八番苗在定番州衣服與漢人同其俗女勞男逸日出而耕日入而織獲稻和楷儲之剗木作臼臨期掬取稻把入臼舂之宴會擊長腰鼓以爲

懼十月晦爲大節。墓不擇期。夜靜出之。謂不忍使吾親知云。

四十一紫薑苗在黃平清平及丹江城等處。與獨山州之九名九姓同類。輕生好鬪。得仇人輒生啖其肉。以十一月朔爲節。是日閉門不出。犯者以爲不祥。在平越者。聞入行伍。多力善戰。及讀書考試。見之不識爲苗也。

四十二谷蘭苗。定省多有之。性慄悍。善擊刺。出入攜帶鏢弩。諸苗皆畏之。今亦耕作爲務。女工織紡其布。精密。每入市。人爭購之。相傳欲作汗衫。渾須得谷蘭布。婚姻多用媒妁。

貴州諸苗圖說卷下

四十三 陽洞羅漢苗在黎平府男子耕作貿易婦人髮鬢散綰挿木梳於額前富者以金銀作連環耳墜衣短而繫雙帶結於背胸前刺繡一方以銀銅器飾之長褲短裙或長裙而無褲養蚕織綿數日必以香沃髮乃勤而愛潔尤爲苗蠻中所難得者

四十四 克孟牯羊苗在廣順州之金筑司擇懸崖鑿竅而居高者百仞構竹梯上下耕不用牛以鉄磚代

犁耨而不耘男女躡笙而偶生子免懷後歸其財聘親死不哭笑舞浩歌謂之開尸次年開杜鵑聲則舉家號哭曰鳥猶歲至親不復來

四十五 洞苗在天柱錦屏地方擇平坦近水而居以種棉花爲務男子服食類漢人故多與漢人傭工婦人頭帶藍角巾帽着花邊衣裙能織洞帕自言精美此種最通漢語素聽約束楚省亦多有之

四十六 箐苗居依山箐即青苗類也在平遠州屬不善耕作只種山糧男女衣服皆其自織

四十七 矜家苗在荔波縣十月晦日祭鬼以爲大節男女均以藍花帕蒙首未婚者其帕稍長每於仲冬未婚男女相聚歌舞擇所歡者約而奔之生子方歸寧名曰回親乃用媒妁致聘若未生子終不歸寧の

四十八 洞家苗亦在荔波縣衣尚青不過膝每歲首雞魚肉酒飯以祭槃瓠擇近水而居善種棉花女工紡織男子雖通漢語不識文字凡事亦以木刻信爲

四十九 水家苗在荔波地方皆自雍正十年由粵西而轄於黔之都勻府也男子喜漁獵女子善紡織有沐家布之名穿桶裙短衣四圍均以花布綴之每歲首男女成群連袂歌舞相悅者負之去遂婚姻、

五十 六 額子大定之威寧有黑白二種男子結尖頂髻婦人衣長而無親塋亦用棺朞年後卜吉延親族至墓前以牲酒致祭發塚開棺取枯骨洗刷以白爲度布裹復埋三年仍取洗刷至七次止

遇家人有病乃謂祖先骨不潔即取而洗之所謂洗骨苗是也近經嚴禁惡漸除

五十一白額子在永豐羅之間男子髻尖似螺螄狀服色皆尚白男衣短而婦衣長其俗與六額子同惟病祝鬼不洗骨

五十二冉家蠻在思南之沿河司喜漁獵得魚蝦爲美食俗與蠻人同

五十三九名九姓苗在獨山州性狡而悍每多假捏姓名婚喪屠牛聚飲醉則必至爭鬪輒用干戈受傷

者納牛以請和婦女以種山爲務俗與紫薑苗同

五十四爺頭苗在下游古州一帶與洞崽同類皆黑苗也

性喜開耕不用牛用踏犁以人力運十一月朔爲大節婦人編髮爲髻近多纏以銀絲扇樣綰以長琵琶簪耳墜雙環項圈數圈衣短而以色錦襪邊袖婚姻則姑之女定爲日媳其聘金若本身無力則取償于其子孫倘外氏無相當子弟抑或無子必重獻于舅謂之外甥錢方許另配否則終身不得嫁也